

記得還細个時節，屋下个經濟無蓋好，單淨靠吾爸一個人去賺食，吾姆在屋下度俅等三兄弟，實在辛苦。因為阿爸賺來个錢無幾多，大部分用來納屋稅同分阿媽買菜，伸無幾多所費愛做屋下个貯金，俅等愛同爺哀討零星買零嗒食，係根本無可能个事情。有時節看等鄰舍个細人仔食糖仔，只有毋知見笑去同佢討食；係心情毋好，就會閃欸遠遠。眼擘擘看佢閃走，俅个心情實在有辛苦。

有幾多擺俅等實在忍毋核，去同阿媽討錢愛買東西食，阿媽就面有難色个勸話俅等：「毋係阿媽毋分你等買，係再拿錢分你等个話，屋下人就淨伸外背食風欸！」講核，就去灶下無間，放俅等自家在外背寮。毋過實在忒想吮兜東西，故所俅等會在路脣這看該看，看看有麼个零嗒好拈。有幾下擺，俅看到路脣个細圳溝，無就路項，有食伸个酸梅仁，就會搶遽行前跔下去拈來食，一下仔嘴角就會感覺到盡幸福欸。

有一擺食核路項个梅仔仁，該暗晡肚屎感覺到毋爽快，緊走便所，係無就翻無停。阿媽看著緊張，看俅又緊潑冷汗，趕緊帶俅去看醫生，食過藥後覺著好欸，盲知第二日朝晨頭，俅个肚屎又開始痛起來，俅搶遽對二樓間肚走出來，還無前喊著阿媽，嘎翻一出來。該翻出來个東西對二樓洩到一樓，分俅阿媽看到，佢心肚實在毋盼得，瀉項來捕等俅在間肚，緊噉緊講：「俅个阿晉啊！你仰恁衰過！阿晉啊！衰過哦！」講核就緊噉，該下俅真識感覺到阿媽對俅个用心，俅該時个心情也盡辛苦，毋過實在噉毋出來，就恬恬分佢捕。過後佢擦核目汁，

趕緊用引擎載佢去醫院注吊射。等佢安定好勢，佢又騎等引擎歸去環佢个兩個老弟。該時个佢乜知屋下無大人，因為阿爸愛打拚到轉點正有歸，故所阿媽定著愛歸去，醫院肚當然只有單淨佢一個人，同三不五時來關心一下个護士。毋過，到欸轉點過後，阿媽又來到醫院陪佢，該下佢真識跌下目汁，使泥仔喊等：「媽！」還言講核，阿媽就講：「你阿爸既經歸來，佢來陪你！」閒常時都係阿爸培佢睡，恁久阿媽一直都陪佢个兩個老弟睡，言知因為肚屎个毋爽快，做得分阿媽陪等佢睡目，心情實在暢樂。

雖然過後爺哀無責罰佢黑白拈東西來食，佢也毋敢再做耶！這下个人也盡幸福，想愛食个零嗒也買欸起，斯講每擺看到路項个梅仔引，又會恸到該下个艱苦日仔，還有惜佢、用心照顧佢等到大个阿媽。

~~ 作者為屏東縣育英國小教師 ~~